

## TACITE *Annales*, Livre XV, 60

### La mort de Sénèque

*Sénèque, choqué de la conduite abjecte de l'empereur Néron dont il avait été le précepteur, s'était retiré de la cour impériale et avait fini par être mêlé à la conjuration de Pison, fomentée contre l'empereur. Néron, l'ayant appris, ordonna au philosophe stoïcien de se suicider. Voici le récit de cette mort.*

Senecae cum Paulina uxore et amicis duobus epulanti Gavius Silvanus, tribunus praetoriae cohortis, mandata imperatoris edidit ... Ille, interitus, poscit testamenti tabulas ; ac, denegante centurione, conversus ad amicos, « quando meritis eorum referre gratiam prohiberetur, quod unum jam et tamen pulcherrimum habeat, imaginem vitae suae, relinquere » testatur. Simul lacrimas eorum ad firmitudinem revocat, rogitans ubi praecepta sapientiae, ubi tot per annos meditata ratio adversum imminentia ... Ubi haec atque talia disseruit, complectitur uxorem et rogat oratque temperaret dolori neve aeternum susciperet, sed in contemplatione vitae per virtutem actae desiderium mariti toleraret.

Illa sibi quoque mortem destinatam adseverat, manumque percussoris exposcit ; tum Seneca, gloriae ejus non adversus : « Vitae, inquit, delenimenta monstraveram tibi ; tu mortis decus mavis : non invidebo exemplo. » Post quae eodem ictu bracchia ferro exsolvunt. Seneca, quoniam senile corpus et parco victu tenuatum lenta effugia sanguini praebebat, crurum quoque et poplitum venas abrumpit ; saevisque cruciatibus defessus, ne dolore suo animum uxoris infringeret atque ipse visendo ejus tormenta ad impatientiam delaberetur, suadet in aliud cubiculum abscedere. (...)

Postremo Seneca stagnum calidae aquae introiit respergens proximos servorum, addita voce libare se liquorem illum Jovi liberatori. Exin balneo illatus et vapore ejus exanimatus, sine ullo funeris solemni crematur.